

續

學

堂

詩

鈔

續學堂詩鈔卷四

宛陵梅文鼎定九甫著

孫致成循齋甫較梓

戊寅

六月朔日叔弟調公六十初度

二首

萬事逐年華雲物相鮮新所貴守初服庶以全吾
真弟年耆指使閱歷多艱辛而無時俗競山邨安
樸淳僥田歲苦饑濁醪時進脣顧我數齡長志亦
甘饒貧爲學苦無獲徒然攬世塵適俗違本性所
願無一申銳欲慕前修疑者或見與力薄意空遠

疲役損形神枯槁類秋冬皤然成老人喜爾醉能
歌欣欣猶若春

酌君初度酒眷然念童稚受經稍後先伏臘偕嬉
戲于時村巷中家塾亦鱗次我祖得孫晚撫教

意曲至睽茲清暑晨良譙尚堂置

先祖母六月
六日誕辰介

時盛冠服宗戚忻然賁几筵何秩秩樂部奏歌吹

我父獻康爵

叔父晉羹臠吾汝厠坐隅餽餘

懷果餌時於醕勸問訓迪承徽懿歲往事多更轉
賸及衰瘁居然稱父兄遠鄉兒孫侍雖無嘉旨供

聊可共微醉
敵廬三數間
守茲良不易
庶令婚嫁
周畊讀紹先志

和又起兄自壽詩

舊廬柏枧山數世安其地
居因食指析廿里邨基
置卜築依陵阿川原各殊
致耕讀爭所尚習人或
庸易積重趨難返俗乃比
鄰異胥靡出逸豫沿流
昧攸自眷言砥狂瀾綆短
但深喟伊人宅水湄啟
戶山蒼翠茂樹雞犬苗小
圃瓜蔬蒔薦灘聞遠聲
溪發高原至轉溉稻田滋
穰穰勸農事門庭絕飲

博兒童謝嬉戲林泉豈獨別隴畝留真意賡君七
十句使我興遙思壽衆攸羨歷練人欣企願以
質直言村落善曉譬毋忘一本親努力先疇治嫻
睦迷天和襍淳敦古誼既裕衣食源漸進詩書義
庶承祖德長衰門更浸熾

隆吉姪六十 二首

梅氏薄詩伯唱和始頊麓吉山尤錚錚陶韋庶兼
之尚志謝軒冕承先敦孝慈先大令茂降公壽處
上吉山公別駕等賜
公有兄弟倡和詩名頊麓集吉山
著撰尤富有專業行世仰隆吉祖多君兄弟賢未

俗無縻縉居約守遺訓內行良不虧
在昔君盛年與兄相切磋吾仲奉文社受益良已
多同學餘十輩期許將如何彈指歷三紀相對朱
顏皤所幸後昆良家室固無它守待存一經優游
養天和

貴溪道中永平張農山文學翻然有歸農之
興宿松朱宇綠大令時與同舟聞其言而
稱善爲作贈行之章以示勿庵遂亦有作
四首

直沽思昔遊海壖過一水乘桴亦有懷涉川未濡
軌薌溪今溯洄溪雲接天起羨爾念躬畊欲樹前
修址

同行紫陽裔意氣特相許所期鵬絕雲未擬鴻遵
渚江臯馳遠日眉宇共軒舉投閒丁壯年搔首更
愁予

名與身孰親至訓誰能忘逝將謝羈絆一卷擁匡
牀不學公孫豕寧慕卜式羊黃犢畊故山何若作
計長

海闊神山邇地遠車塵稀色養偕弟昆怡愉樂不
違垂綸兼采山無憂穰與飢結鄰懷樸淳使我心
依依

再疊前韻大心灘和答朱紫麓大令

四首

髮短慮空遠萬事付流水稽首後來英尚守先民
軌之子力方剛無偕斯崛起千秋在仔肩深築崇
臺址

華高企可齊古義昭來許相彼江流永屹然峙磯
渚龍蛇安蜨屈肯忘胥漢舉莫謂昔賢遙寸心天

賦子

感至豚魚孚機息海鷗忘枕席或波濤畏途第與
牀樹德翔威鳳去疾奮神羊於物各有裨擇術寧
從長

丈夫有曠懷寧憂知者稀學成世所需時窮道豈
違浩浩浪乘風洋洋泌樂飢踪跡未嫌殊所貴心
相依

仍用前韻同揚州汪漢倬新昌呂德元山陰
王蘧植何惠公家姪子建登鉛山河口山

辰山臨河壁有大和漢俾四首
字曰龍門第一關

乘閒舒遠目移舟涉渾水
綠崖遶曲磴鳥道無方軌
盤迴陟顛頂連袂高歌起
愛此突兀峰臨流似無址

攬勝懷陶謝賢義念支許
壯哉秋水意大地一洲渚
誰將破塵網同心學輕舉
名山庶久要真仙無棄予

志合形骸遺魚樂江湖忘
但令杯在手何須芻滿牀
杖有葛陂龍石是初平
羊悠哉濠濮間山高而

水長

客途多素心疇云古道稀故鄉豈不遙此意幸無
遲况饒黃絹辭坐遊堪療飢永矢尚勿諼道義長
相依

羊角灘

羊角灘頭石幾堆縱衡踣躑浪喧呶惡誰學取句
平術盡叱成羊向草萊

已卯

武林郁滄波以稗海紀遊見示得三十五韻

自金厦門至臺澎必經黑水溝海水正碧
而此水深黑自北流南甚急稍不設即大
船皆爲漂去故舟人畏之安平亦設二城
皆紅毛據臺時所築番人文身多大耳李
線洋名自赤嵌建雞籠淡水多有山溪西
流入海潮汐至焉水稍深者可進船鹿耳
門者又置正道內即安平城防臺重兵多
駐於此呂宋自明末爲西國所據其所遣
船習來者不娶若館訓之巴黎凡紅毛大
船每舟舍佛郎機銃數百客有上船者款
接時必連發巨炮洞之則曰以敬大國之
人也荷蘭一作和蘭即彼國號高固喬作
荷蘭使船歌及歌毛行庚午年議開互市
館當事者見詩而止今館予據船師計更
海道約爲小圖洋程數萬浬
若掌校如城隍正畧同矣

桑弧志四方時養關蒼生卹緯苟無懷撰述徒崢

嶠之子不遐遺舟與多所經示我一編書歷歷海中程海湛高於山翼檣飄若萍圓影絕邊際星水涵空明不知舟所屆記里惟支更探奇樂孤往簸蕩曾無驚夜浮黑水洋朝泊紅毛城牛車涉湍澗千里更長征侏儻大耳垂支身裸體迎半載淡水涯誅茅立數楹番屋無四壁臥看天宇晶地底聞沸泉疏土自煎烹牀下脩蛇貼衣間燐火頻多君意坦適履儉恆如平阨塞還周谷利病閒肝膈憐彼番俗陋初無機詐櫻謂當善撫綏可使齊編氓

又言半線北出海溪潮盈鹿耳雖重閉間道宜經
營期伊西極戎波濤狎阻兵堅忍濟機猶澤國恣
饕并呂宋實殷鑒巴黎虐使令盤踞連海南關伺
形已成參雲貫舶來娛賓雷嘖轟茲島直闔粵嚮
爲荷蘭畊逼處幸驅除未雨思銷萌前誦固齋詩
遠慮餘深情今復展斯記針路羅楸枰何哉韋布
儒疾呼同一聲君子念維桑蚤見悲羣醒豈必封
疆責斯勤石畫精杞憂庶收採他時見施行非止
侈博物海錯陳縱橫

灘行襍詩十首和查德尹張青雨

補作

列障疑高城亂石城根出詭譎呈萬態巒柯層布
密石鱗砢研張一綫溪流湍舟石互吞啄驚若蚌
中鵲轉憶弋陽道方茲未百一噫嗟行路難親歷
斯真實

晨興噤無語羣受篙師指但聞石子鳴磊磊憂船
底齊力作咽聲嗟自舉衆趾攫繩繩竹篙倒撐懼
船駛操舟亦有道愼然斯無營顧守臨履戒三緘
自茲始

灘船殊小大用招總無異如鰕舉長鬚如象使長
鼻又如鵝鵝陣前茅審趨避峭壁橫中流衝濤疾
於馴觸石始迴舟飄忽翔鳶墜自非老長年波濤
敢輕試

灘危利用招灘平利用槳柔櫓溯空明擊汰亦堪
賞水底見峻嶒輕舟不敢盪短篙人各持左右紛
挂攬帆檣摺疊懸山險用斯助小舫庀衆材斯能
利攸往矧伊涉巨川悠然發遙想

灘盡或深潭杳冥危磯趾游泳可方舟及茲榜人

喜忽復峙連礁偃蹇波心裏盤互鼃鼃甲鉅利鯨
鱣齒但行爾勿思倚伏亦恆理縱觀天地內風濤
寧僅此

流水出高原巨石爲之郭盤根大地深作鎮太古
初金者水所生石者金之徒一氣自亭毒子母相
涵濡一灘瀦一潭流止互灌輸不然溪建瓴到海
乃無餘于焉徵物理萬化觀元樞

連延或逾里措拄失涯涘方驚舞龍鸞俄看蹲虎
兕倉園列方員戈戟攢擊刺珠樹耀光潔玉玉端

秉植平生樂幽討邱壑宜位置安得李將軍一一
寫奇致張之斗室中臥遊供癖嗜

下灘急湍平驚定前山邇沙高舟腹膠擲篙紛入
水橫杠昇舟舳經時行及咫尺山深溪水冷瘴瘥皮
皴死舟活旋操楫鼓頷不能已嗟汝食微利勤苦
終歲爾安能廣廈覆窮簷盡安止

片石出人間能邀袍笏拜名園珍所獲世守欲常
在願茲瑰璋容棄置百里內而彼舟子徒來往百
千輩但愁寒挽難幾添欣賞對豈非驟見驚習久

乃無怪所以首蒞人曠觀平憎愛

過嶺惟三塗而行泉石間逢窻對岬帆柁底聽潺
湲雖有衝激危亦擅探討閒天豈念征人設茲溪
與山令開跼跼胸長留歡笑顏何當攜卷帙緩棹
重躋攀

李安卿孝廉刻余方程論於安溪古詩四章

寄謝

覃立期衆賞當世幾恒譚豈伊文與籍抑亦性匪
耽君子紹家學優游六籍酣曾不讓土壤而同癖

嗜甘淡泊味能咀隱隨理深詣重以雕版良校聘
勤再三荆璞剖頑石負之出煙嵐千鎔拭華陰光
怪發藎函何以答明眈耿耿意中含千里寄遙思
霽月高秋涵

方程備九數而居算術終亦如勾股義聚矩道多
通末俗安俚近臆解增其蒙良書不可致訂考將
安從寧知古九章河洛爲根宗變化生擬議稊傳
歸中庸殘編聊復存所恃心理同積疑破精思悠
然古義逢前聞豈盡湮淹雅多羣公賴君流布力

請益自斯洪固陋或蒙矜鑒茲求友裏尚出奇秘
藏共證啟余聰

保氏教德行三物藝相輔專科肄五年爰同經義
舉制藝盛文藻實學棄如土君家伯子賢山林視
主組公餘但學易曆律窮參伍盛德不滿假下問
及迂腐謬謂管蠡測未墜義和緒導之作諸論精
刊明衆睹情廢轉自驚慚感中心縷君復展茲編
欲令垂區宇何其好善同偏長但見收風尚砥礪
趙虛受見前矩謏陋竟何裨高懷自千古

古曆粹王郭庚午寅堂構

庚午寅曆耶律文正作也雖未頒用厥後授時

曆精實

差法何與祖子信勤測候新術爭皇

極厥用悉身後

何承天祖冲之言歲差至唐一行始用北齊張子信積候二十年所

立日躔盈朒及赤道表裏諸法後世遵用而當時

未顯史傳並未言至大衍議始著曆劉焯作皇極

曆與曆官辨皆其畏焯不敢爭然亦

不行其曆至焯死後乃稍稍用之但令此理顯

吾求亦何又憶昔問康從積歲懷疑實及其稍有

闕欲語當誰授彙本徒從衡甘爲齷齪覆大賢君

一門翩翩異華胄既擅文賦雄名理重局扣萬里

越關山奇緣茲輻輳尚及衰顏存從容相討究愛

至望彌殷延跂遲良覲

雨東陳克諧爲余作小影甚肖因以詢知彼
中故人存亡出處之槩於其歸也賦此贈
之

老夫白髮形粗醜
褊性畏人人見走
何幸茲逢顧虎頭
爲圓顏貌留衰朽
轉憶曹娥渡竹橋
南雷將舊話連宵
咫尺珠巖遊未得
四明山色看君幾
彈指年華今一紀
故交存者八千里
因君寄訊雨東雲
勿庵迂癡還如此

題張嵩麓采菊圖

種菊既盈圃天地皆秋容時時擷其英浮之酒杯
中瞻瓶間牙籤益友相過從不知柴桑後真意誰
此同但恐蒼生求其能獨樂終以茲重寶愛日夕
哦芳叢

長至後歸宛陵喜晤徐天石卽送其復遊都

問二首

扁舟閩嶠人歸處匹馬燕臺客返時乍喜故山重
握手那堪雪舫遠臨岐家書萬里煩驛從遊子三

年入夢思屈指春風君到北余心先與北風馳

見子

以燕在鄰門已四載

勲伐三征承世澤

徐司寇公撫蜀有三次征苗大勲爲天石之什

代興

七葉數門才京華久歷物情練文字論交俗尚廻
弱息頻年偕旅食老成深幸得追陪他鄉倍使鄉
情篤莫替簾規古道培

庚辰

奉寄不次二兄金斗

三首

山村春雨收山鳥相和鳴涉江馳遠思端居懷我

兄我兄僑合肥言欲還宣城我時方闕遊開書歲

序驚

戊歲承寄一函里門無由達回乃復從京札轉郵已夏始至

既悲遠別離

尤忻終合併但愁我歸遲未及江皋迎豈期星再
迴兄尚尼行旅客久雖重還詎肯忘宗祊故鄉誠
寂寥菟裘或可管願兄蚤翩然引領慰羣情

墓田尊宋碣

吾族自宋太七公始有墳墓在山口祖居左側

十葉居山口

餘十起經術縹緲能世守大勲及微祿嘉名存弗

朽煌煌新建文豈異圭符

時望公由明經貳餘千宸藻之變王文成

號召義兵公以一族相從分地堵截
獲賊七十七名又六名見陽明別錄書院廢阡陌

藏編思二酉汶陽旣我歸遺址在隴畝

郡乘言木岡公建文

峯書院時望公之父也旌德梅公鶚爲時望公作記甚詳今按其處卽新塢山曰祖基吾梅家族居此歷宋元明凡十餘代厥後食指益繁析居諸田等三十餘村而祖居荒廢九株僅以單土至今田厓之隙猶時時見塋垣爾巷階除遺跡歷歷可指兄耄更精強天意良非偶庶茲振家學承先以待後道將目擊存况善循循誘吾當侍臯比率聽效趨走

家法數金谿義田傳范氏仁孝何惇篤望古每遙企社倉資義塾洵美常平理自愧誠涼薄有願徒虛擬更苦同心稀將伯欲誰恃惟兄睦本支達尊

兼德齒惠然茲肯來周行庶余指禮樂自茲興百
廢于焉起先靈實呵護寧惟宗族喜臨風寄余心
撰杖澄江溪

送施孝虔入閩因懷武夷

新晴山翠流薰風夏木陰伊人遠行遊扁舟理鳴
琴遠遊將何之官適武夷岑茲山靈異鍾鳥道盤
千尋中多角里倚迢迢巖壑深篋藏先代書坐聆
山水音塔焉築名譽豈止忘華簪憶昔幔亭峰奇
峰鶴首臨人事阻寒裳悵惆悵意難任之子實仙才

斯懷同所歆遙興未敢期幽討庶自今窮探九曲
源澣我塵埃襟努力遂孤往悠然愜素心

又贈孝虔

理學紹中明殿讀闢其傳經國存大業內行尤卓
然極盛繼良難之子何翩翩曾無門閥矜而耽風
雅偏府寺絕于謁嘯咏安林泉種桃嚮山崖垂綸
宛水邊示我著撰新琳瑯富簡編仁義言藹如規
矩適方員固窮守家誠爲文益以妍故舊多通顯
屢空祇自憐樸訥罕遭逢匹馬空幽燕茲焉尋昔

遊重涉閩山川豈爲饑驅行手澤懷栢棧矧伊先
公集得之數歷全泯沒實滋悲藏弄更歲年雕版
最書林爲政有名賢庶茲謀殺青稍遣度閣憊萬
事廢因循矢志在精專誠哉世德長揚顯意能堅
折柳贈臨岐爲作繞朝鞭

次韻雪广二兄旋里門展謁祠墓將遂攜家
南返仍欲至肥定計一時留別愴焉感懷
聊申鄙私用堅其意

三首

白雲生處焙茶香澗壑清幽暑亦涼宋代松楸開

百世先公墳典翊三綱

餘千公起家明經以文吏從成佐王新建平寧藩有

功天留碩果還江左址識文峰是汶陽

文峰書院遺址於近

年蹟皓首相從能遽別故山脩竹正成行

新詩吟罷腕生香褒勉殷勤愧德涼敢謂藝成矜

小數殊慙身教舉弘綱典刑我願師黃石根本君

當念紫陽

朱子父韋齋先生官閩遂爲閩人號紫陽山人示勿忘舊里也

嬰鏢

重來知不遠漫須別淚洒千行

雨過風清杉檜香詩篇重咏景蒼涼卽看北域思

先德正賴耆英振大綱二紀壯遊江外九齡歸

息歛溪陽倚石著籍終非計
臨別丁寧淚幾行
得雪坪信寄示答佟參戎詩和韻懷之

山田新雨豆苗蘇
遠信開函彩筆濡
翰墨久爲當世貴
髭鬚較勝去年無
治裝豈有陸生橐
旅食非耽少伯湖
儒將機舟堪共載
何緣不肯向西沽

病起聞笙餘已歸仍用前韻寄訊

支離斗室骨方蘇
雨歇庭階足未濡
喜雨歸從千里外
知余病已決旬無
離邊菊蕊分三徑
溪上煙光學五湖
乘興能來看秋色
山邨濁酒未須沽

爾素弟六十 三首

昆弟重人倫計時獨能久術業况同方門內自爲
友下帷憶卅年家塾一經受吾季稱早慧科名擬
唾手春路琴溪魚秋月秦淮柳形影相追隨閱歷
靡不有少壯曾幾何蹉跎並成衰季年及周紀距
算視余九猶復涉黃淮遠道舟車走賴少流俗競
庶無先訓負會面輒經歲良書對清酒以同意所
然亦忘余老朽駐顏豈有方願同茲意守
攬勝宜壯齡息影逸衰年顧余獨反此吾季乃亦

然昏嫁幸粗畢客行無內牽惟茲著撰謀屹屹徒
相憐咨詢不憚遙引掘動盈篇千里湖雙魚而無
他務連時多疑義新探索一何專每用慰離憂曾
不問山川起予既非一副墨粹難宣終當圖却掃
逍遙斗室偏相與極思辨理數觀其全書成良足
娛何計身後傳

同生有四人仲往垂三紀爲謀寧不遠齋志長已
矣叔也守舊廬榮華脫如屣門戶付諸兒俊游安
暮齒佔畢尚吾汝歲月驚流水傷心母氏劬遺育

空在耳吾衰旣以甚非敢托知止興會爾猶佳文
成時自喜壯哉魯陽戈日馭爲之徙外物雖難必
進脩宜足恃如稼觀登場如行將百里何以收桑
榆無爲所生恥

壬午

元旦卽事

宿雨收歲除朝光啟良辰山邨獻歲儀少長何彬
彬瞻拜肅儀容厥初同一身百年安舊廬聚族義
尤親斯須秩敘昭汕然敬讓興茲意庶同守白茲

還樸淳視彼庭前柯枝餘相依因青陽迴太和景
色常鮮新

歲除二首

臘盡星迴又一年清尊聽雨意悠然山村聚族懷
先澤午夜題詩憶昔賢歲序已隨簪溜改衰容潛
與漏聲遷惟餘宿習除難盡便擬今宵總棄捐
明明我祖康寧日父叔良宵進酒卮藹藹高堂雙
鶴髮欣欣隅坐數童兒却看五紀猶如昨忽到七
旬曾幾時至教未酬空老大流光駒隙有餘悲

癸未

奉同安溪家宰集荷花池用韓吏部秋懷詩

韻

秋日澹新晴疎柳依高軒
靈潦既已收殘暑去若
奔物候多變化太空無
語言默觀消息理豈異
義
皇前公暇集嘉賓勝地
授盤餐寄興謝塵務遊
心
惟簡編雅愛潮州詩諷
之
仇過千野性耽偏嗜亦
殊世鹹酸一卷聊自娛
支頤每晝寢因君策老
懶
欣欣同少年

七夕後兩日試算法限二十四韻

理數昭河洛匪同書器淵顯晦或因時亦如昏與
晨至教存目擊道弘良在人天地恆貞觀推測久
斯親自非先典傳混茫安問津偏說矜私智偶中
自稱神寧知昔賢哲積候成艱辛許郭精弧矢都
哉踵事新三角闢歐邏思理入纖塵迂拙抱微尚
耽斯忘病貧同時有王薛道遠阻爲鄰獨學慚孤
陋嗟屹徒冬春夫君天所挺運會肩一身恭承
欽若旨授受倚文真願令草埜日琬琰中秘臻

度及芻蕘采擷兼藥蘋圭表羅几案咫尺窮蒼旻
問辨集羣彥歡然洽主賓牙籤鄴架編折角林宗
巾談諧裨實用匡扶裕蹇屯庶茲風草意益俾儒
術振經史溯淵源儀極析渾淪梁棟儲梗楠苞茂
堅心筠良會乘秋霽古義聊復申

乙酉

賦得

御製素波萬里盡澄泓應

制

帝德同大乘景運波臣效順盡安流河淮底定千秋續江海澄清萬里舟楫決經營歸

廟算平成勲業起謫謳輓輪無阻咩夫樂從此長
舒宵肝憂

四月二十日蒙
召見于臨清州

御舟
命所乘小舟隨行二十二二十三日止

賜召對
賜食
賜坐衣分乃罷撤

御前賜命小黃門送歸二十四日

駐蹕楊村行謝

恩禮

旨命從官賦詩時已極黑紙筆不具惟安溪家宰
及督學楊公名時天津道蔣公陳錫及臣冊

四人有詩念重鼎老病特賜炕桌命小侍衛
執燭照之詩成命侍衛左右扶掖而興既起
立仍命立定少頃然後
移步優恤可謂至矣

丙戌

雨坐山窻得程偕柳書寄到吳東巖詩筵依
韻會之

司徒三物牘九數宋唐科目兼明算先典難稽厄
祖龍洛下權輿起西漢乾象幽微久乃著踵事生
新斯理燦溯其根本在羲和敬授親承堯典辨治
經三季事頻更疇人失職遐荒竄試觀西說類周

醇蓋太古術存遺翰 聖神天縱紹唐虞觀天幾

暇明星爛論成三角典謨垂今古中西皆一貫

御製

三角形論皆西學實源中法大枯朽餘生何所知

哉

王言著撰家皆所未及

聊從月令辨昏旦幸邀 顧問遵 明訓疑義胸

中茲釋半 御札乘除迅若飛定位開方辭莫贊

庶勤榆景舍 殊恩望洋學海期登岸却憶司成

接對年同季多才精剖判

胥蠟奉司成命從余學曆算

握別余

登十四秋山齋舊稟徒堆案安得斯人共欣賞

論鈎校窮宵旰一得自憐知者希抱書高望懷英

俊邦上歡逢君竹林歸颿話舊通遙訊風雨中來
千里書凶問忽承驚且歎頻年存歿增悲慟
六月間歸
自山谷晤歸宜將聞于燕城詢知省嶽屬有微疾
不意竟以去世安溪李生世得計音得之邪上兄
以燕夫秋溢迴看歲月多世翫絕學其與應者誰
逝到家始知
佳什長嗟呼鵲鳴

戊子

壽嘉禾高念祖先生八十

先生始遠祖奉常公靖難兵入遼

嘉禾山祖屯田公以勤事被誣考虞部
公抗疏白父冤國變後營募不出世用高
氏三忠虞部手輯崇禎忠節
錄先生續成之且募梓焉

運會密推壘谷岸相遷異賴此綱常在直與乾坤
敝先生忠孝裔遺編紹先志網羅歷歲月岐嶺周
粵薊參互析疑誤闡發吐生氣其人餘四千蒐輯
猶未置祇今年八十焚香書細字精明生積誠志
至氣亦至巋然碩果存康彊見天意

念祖謂余知曆出示所藏明水先生策對及

虞部公日記中語商確又得一首

明水律曆策能

駁正從前講家以律生曆之傳會及理管
候氣之非是其時利氏已入說未大行篇
中所舉最高卑等語並經生家所不能
諳虞部曾令余釋歷邑賦食水西書院

天道久彌著屢改成精測中西數十家折中存一
得嚶鳴懷友生驅車亦南北邂逅清溪湄典刑奉
遺直猗歟家學盛煌煌經史翼示我一編書淹洽
徵高識從知忠孝人皆由學問力水西有遺愛民
情徵廟食儻復扶邛遊追陪祛我惑

題朱深村冊子

深村樓居在東花岡茶村詩
所同占臨青溪者也樓旁後

有幽處植古柏庭石其間爲行吟對酒之
地面性好遠遊此二者與其小照爲
一冊以
隨行笈

古柏勢干雲靈巖海嶠分小窻開異徑與客坐斜

曠高唱陵今昔奇書足典墳披閱千里對此意獨
輸君

上孝藏相國

四首

一源觀道器六籍昭天經末學但咀華狂瀾需廓
清君子應苞符崛起何崢嶸勇肩洙泗傳旁蒐象
數精吐握弘接引夫公開至誠自慚迂僻甚亦獲
稟裁成

曆率久彌善密測翻成駭所賞符天驗安用岐西
海高識破羣疑問郊通至解野夫耽癖嗜對非蒙

兼采授餐感殷勤教誨尊模楷山川雖阻脩至意
會無改

疇人守師說蔑肯窺西書歐邏矜別傳寧能徵昔
儒二者不相通樊然生齟齬大哉聖人言流傳

自古初

伏羲聖製三角形論謂古人曆法流傳西土彼土之人習而加精焉爾天經

煌可息諸家聚訟曆同聲教訖茲事肇唐虞沐浴文治深

敢自棄顓恩地僻志空遠撰述徒區區閩洛幸同
時庶將箴我疎

管窺安竇穴敢冀塵清聽離照燭幽遐草茹驚

召命至教承光霽秘策容參證優老寬擊毘放歸
保衰病庶此畢榆景殘篇娛短檠一得報殊恩
偏長適疎性鄴架多奇書庶許資習訂

顧有星小照

秋光桃葉渡春花朱雀橋舒卷蔣山雲來去秦淮
潮幽人此行吟杖履何逍遙興到時獨往行窩信
所遭我自愛眞率豈肯名孤高茲意誰同賞天風
吹布袍

同崑山徐道濟編修維揚卓鹿墟蕭徵父納

涼於棟亭銀臺之眞州寓樓

一徑牆籬竹外樓
颼颼雲鳥望中收
隔江嵐翠圍平野
帶郭林陰俯綠溝
永日談諧寬禮節
高懷真率見風流
從誇河朔能消暑
得似東山握麈不

眞州奉陪葛軒銀臺竹村廷尉觀江頭打魚
同卓鹿墟胡來卓杜吹萬

載酒出郊坰
乘潮汎荇蒲
泊岸依深柳
冷然失炎暑
四圍啟蓬窻
江天浩無阻
數艇各放能
半得傾簪
吾畜之益
盎中鱗尾
燦可數
鯢鰕歸
鰕鰕鱣

錯紉鯢吹沫浮鱖鯨鯢鯢互容與奇鱗炫文錦泳
遊亦楚楚聊以娛清暇豈曰充庖俎榜人忽喧笑
垂綸巨鯁舉居然王鮪登異味行廚鬻任釣寧矜
巧萬事無心取野服恣談諧嗒焉忘賓主斜日迴
輕舟清風生遠階

越三日立秋又奉陪江舟看雨

同項景原程
惟高卓鹿墟

馬質
公

素飈應秋節晨興挹新爽藍輿延禁客追陪復簾
杖使君逸興長方舟狎菰蔣涼雨從西來江村接

莽蒼迷離水氣白
浙瀝葭莢響圓蓋
看真景波瀾
增永廣初無霑溼慮而有烟霞賞
兀兀占有年勃
勃秋禾長阻饑憂已寬
蒸暘遂成遄金尊酌良醖
酬勸會無疆
簞笠漁家兒風軟猶開網發發捧雙
鱗長鼻過於額
濠上漆園心東海成連榜
悠悠哉移
我情高歌一俯仰

題卓鹿墟出師圖

卓忠貞公敷建文朝疏移
無郎南昌不用靖難兵入

不屈死是爲鹿墟始知少前書寶香山中
夜歸迷道見黑牛憑之以行
虎到家終之

則黑
虎也

豫甲南征倚馬才賦詩橫槩興悠哉舊香傳說忠
貞異今日看君控虎回

寄懷梁質人

黃鵠摩天飛白雲亦孤征離合非豫謀繾綣餘深
情緬維三紀中幾度歡逢迎促膝我心寫聯床客
夢清寧知後約難還悲昔別輕時復得雙魚開書
歲序驚顏貌誰似初人事矧多更所恃能不忘共
矢久要誠何時山水間尊酒話平生有懷各傾吐
著撰看崢嶸

乙丑

敦睦堂會課卽事

每逢彥會論文日，輒破重陰放好晴。
列缺已催頭上雨，陽烏仍向樹間明。
千畦麥浪憑欄見，遠屋鶯聲出谷鳴。
自笑殘年滯佔畢，顧瞻前後媿餘生。

辛卯

偶成

仙晉方壯齡，日暮謂途遠。
南陽矢盡瘁，每食數升飯。
我無二賢操，筋力况衰晚。
跛牂種烏斯，負香蹊。

峻坂豈不畏藍叢中道難顧返所恃一寸心不見
長征蹇安得籲蒼昊達此蟻忱婉夸娥將五丁施
力平重巘

寄安溪相國

今年重九前三日
爲公七十誕辰

誕毓中天盛登庸大道公贊襄仁壽溥敷錫海邦
同變理全經術甄陶錄繫桐塵薶煩拂拭頑鈍藉
磨礱遂使寒品朽能邀聖主聰一編親指授

三接對優降霽色瞻雲日宸章煥彩虹每懷
抒短技何以含蒼穹側覩調元暇偏多述作工高

文尊典策微旨契鴻濛直啟圖書秘平參象聚功
芳蒐精律曆質測會西中業廣神稱裕道弘心益
冲周咨遺位分下問及恩普藥物扶危疾獲蔭起
弱躬賑貧金屢繼念舊札時通器薄銜恩重年殘
惜智窮吹噓施不倦鼓舞氣還充暑刻斷天假喪
食想歲豐頓忘夸景暮欲奮魯戈雄廟祔營方亟
編募局未終庶將敦夙尚其敢負深衷疊疊緇衣
好休休吐握風南溟占紫氣上相仰微官竟乏陰
芹獻遙將尺素空葵忱希俛晉簡畧恕山翁

壬辰

寄高芸白真州兼懷同學

二首 令弟式南洪去燕先還南潘嘉

令

指廩分金世有諸何如吾黨自通書

太史公自言與賈生世通

因君卻憶華陽客遠寄奇文慰索居

何由孫凱之讀五代

晉要鈔寄王模欽天曆原委能與歐陽五代史司天考相補備至今感之芸白所寄姚牧庵簡儀仰儀二銘與元史曆志五訂益明又承借鈔藏本內有唐履謙所撰郭太史行述寶藏本傳所未備二

事正相類

平生沈默喜深思八十行年祇自知安得潮洞從

一水耆英重續似當時

淑仁三姪六十

溯君誕降辰伊余初弱冠于時家政肅蒸蒸穠復
旦皤皤二三老齋莊親鴈盟秩秩衣冠倫駿奔無
泄翫我祖年特邵康彊高幘岸憶侍荀輿行鹿角
山房讌

鹿角山房凡民公所居即誕生公著書之所至今子孫聚族而處

伏臘集

耆英一水過從便賓筵羅子姪荀陳殆重見偉哉
凡民翁手不釋篇翰教誨雜談諧紛綸經史貫
子俄周紀太息時光換所喜先公書藏弄經荒亂

誕生公及冢子長情所軫重訂字彙騰布昭雖有
清未刻守之五世矣今原堂尚存其家布昭雖有
待手澤存璀璨初刻久流通慨當天壤徧芝玉茁
階除食報宜茲券祇令祠宇新鳩工方及半賴君
諸老成提挈余衰慢庶將竭朽鈍從君指輪奐知
君錫嘏純自此增多算七旬紹前徽更睹于門煥

甲午

青林堂歌爲姪孫孔虔作兼懷聽山

堂額爲
雲卿所

題舊法道選時孔虔
長郎有花燭之喜

天逸閣對青林堂古木藤花薜荔牆滄州鹿裘茲

述作問字徵奇來四方我昔過從共憑弔層梯遠
矚塵埃裏迴廊俯瞰書帶圍假山奇石連池沼物
態多更歲序流空憶飛檐樓上頭所幸樓心足書
史斗室鐙窻恣冥蒐竹林顧及自師友聽山卓犖
尤稱首磊落襟懷空古今煌煌撰著光前後百年
廳事臨溪干穿漏欹傾楮挂難一旦鳩工成獨力
棟宇巋然還舊觀閒架增修次第舉青林潔治規
環堵堂外種竹千琅玕對酒論文不知暑今日重
過又十年復睹茲堂結構鮮燕寢經營憑意匠顏

題拂拭加便娟于時百兩盈門爛新居新婦雙
燦拜饋多儀禮節嫻曾孫七代斯能贊人生婚嫁
煩拮据白髮爲邦子里遂民事焦勞遑內顧祇應
聞此心驩虞君不見狀元家尚書里高閣廣厦今
遺址大中別業魯靈光七世於茲觀澤矣爲君歌
歌紹衣作室難忘創造時亢宗復始皆餘慶能弗
蒲田柏規思

讀耦長聽山詩鈔有作

何須句漏覓丹砂不數河陽人種花城郭萬山馴

虎豹弦歌一室對烟霞更無使節煩郊勞饒有詩筒待放衙元亮桃源徒記述如君官舍是仙家

乙未

次韻奉酬邑大夫馬明甫將歸扶風貽詩話

別

充隱虛名負此身陽春一曲意何真初衣已風秦川駕紈扇猶依視水濱典謁崎嶇邛巷僻郵筒灑灑大夫貧泊然相賞形骸外屈指寰中更幾人

又寄懷黃宗夏

一首

叔度汪洋後起師十年交臂識鬚髮勇肩斯道良

朋許

謂李恕谷先生
陶甄夫諸子

不忘遺言絕業期

謂劉程伯
莊先生

俯

仰去來驚歲序因循遲暮企箴規可能還挈同心
侶重聚山村慰遠思

懷張簡菴新城

短檠斐几追隨日瞥眼違離遂十年安得伊人設
疑義相胸抵掌共談天

初度日偶成

絳縣徵年三萬日

我生之日巳巳至今辰甲戌不
已二萬九千九百四十六日

不

知從此更何如浮名牽掣生平媿素業蹉跎志願
虛任運古人歌大耋惜陰君子愛居諸忍教殘息
還孤負莫但空嗟白髮疎

送劉生允恭歸江陵

茗苦清尊羞楚蔬片言珍重此須臾難酬重野過
從意無那衰顏病廢餘歸到故園歡菽水時親良
友善居諸殘編綴拾天能假刮目遲君更草廬

二月七日得商邱周崑來寄書

時寄居

山村楚客正脂車

時劉生允恭
埋裝歸楚

忽到長千萬客書

墨妙時看珍拱璧心期今見託雙魚周亦有與劉
書重留誠
抱石頭城古春花好木末亭高遠目舒俯仰昔遊
鴻爪過因君還擬命藍輿

山行卽事

峰合樵蹊斷林開磴道連逢僧青嶂裏問渡白雲
邊春秣安溪碓鋤茶帶晚烟武陵何處所醇樸一

山川

題袁中江遺照

憶丙寅初夏余及家耦長袁中江偕天都
汪栗亭吳綺園東巖諸子遊黃山厥後十

年中江屢至京師無何遂卒旅謁幸歸遺孤襁褓郡司馬斯熊封多方翌之成立且許爲刊刻遺棄茲嶺遺照題詞感而有作

兩歇山邨首夏天重看遺照憶當年聯吟始信峰頭月晞髮朱砂庵際泉書劍每轉千里道鬚眉不負寸縑傳遺孤漸長交情見庶藉流通手彙全

丙申

二月七日誕辰偶作

首

我祖八六齡精明體強固恆言吾待期如途將遠赴宿春埋行裝登程任朝暮小子今八四亦復何

欣怖所難宿習膠仰止媿趨步明明先德在條然
自來去尚覲疋余頑洗心鞭末路

溯觀吾降辰偶值祖生年紀日逾三萬閏世空徒
然頗承師友誨微窺性命詮逝水負良時蹉跎祇
自憐餘算復幾何仍堪萬物牽諫往既末由追來
庶勉旃或茲炯炯衷拙守自茲全先王父生于隆慶己巳越六十
有五載至崇禎癸酉而余小子生焉二月七日日
辰己巳以歷術考之至今康熙丙申二月七日已
歷過三萬〇三百日而次日初八復得己巳實余
小子八十四齡之初日也雲谷老人勉了凡先生
曰從前種種皆如昨日死自後種種
譬如今日生慘景非多敢忘省惕

寄懷夢陽姪 今年八十

峽石河干石逕斜
平疇書屋是君家
看雲時倚柴扉杖
對酒閒吟蔬圃花
落落共欣神特王
翩翩尤喜興能奢
相期且作香山老
那用高言渭水車

作家書後偶成

數行千里付雙魚
冰雪銓榮獨坐餘
莫訝丁寧連牘語
偷年能更幾回書

丁酉

題程階柳擁書圖

鄙性好湛思耽書或致疾還用書爲藥間書百苦

失古義寶三餘我則增其一

謂病中謝聖務是亦生之餘也常自署四

餘上人 晚得參同旨刻心學藏密宿習苦難除簡編

仍斗室那復貪新得聊爾送餘日凝眸望交親努
力尊儒術程子才卓犖網羅事佔畢時爲燕越遊
舟車堆卷帙編紵通者碩是正羣疑質豈同度閣
者不觀歸檄軼行當措事業非止矜纂述澄江故
如練遙降着萃犖懷我青林叟去官吟抱鄴冰玉
相敦勉及時進專壹茲意庶流傳讀書人輩出

題黃山觀雲海圖

我昔操邛竹直上蓮華峰峰巔片石平曠然觀碧
空長江一綫明坤輿指掌中于時天都已俛瞰况
乃三十六芙蓉始知大地果圓相各依天頭爲崇
隆他時人在天都立側睨蓮峰看正同中高四下
隨所見獨言極下猶非工

於文殊院觀天都蓮花
二峯其高畧等及登蓮

峯之頂四瞻無對則天都已失其高蓋目人自蓮
峯所見之高下並以蓮峯所對之天變爲宗也峰
之勢不能並對則必稍衰峰高離地遠雲勢漸增
高亦漸減若天都迥視蓮峰所見地同五嶽蓋
日月而千里之外不見並同此理蓋天家言地法
覆槃北極之下中高旁

譬彼圓球圍四面旋轉上向皆穹窿水平中準亦
象地十里百里漸如虹海舶大洋內如行覆槃背
想像黃山雲平鋪水相類峰巒出沒須臾間亦有
區分高下位可證測量理圓平破疑義眺遠喜晴
空鋪雲恆雨弄人言二者苦難兼頗悔昔遊太匆
遽伊人有返尚駢危邱壑置肘臂招鴻濛溟滓食
元氣既窮攀躋勝亦領雲濤異無乃精神通佳句
山靈弭揖別丹臺三十年展君畫卷意欣然安能
復壯從君往解衣盤礴朱砂泉經時坐臥諸峰徧

閒看山腰橫白綿

題羨結圖

靜觀潛伏昭得珠惟象罔北溟亦有魚將結何如
網

自警二首

嵩山董五經講授棲巖谷來物頗能知視聽非耳
目恂恂一老儒百里冥通連亦如沼沚澄雲影天
光燭何況日星明孔昭及潛伏所以古聖人爾室
慎幽獨

史書傳扁鵲醫術受長桑刀圭飲上池隔垣見一
方藏腑察癥結裏知陰陽筋轉與脈搖洞觀鑒
毫芒何況鬼神靈如臨恆在旁所以古聖人念慮
謹隄防

臘月作家信成四絕句寄示孫珏成

復此長干度歲除知交彈指廿年餘奇文欣賞生
平在不是飢驅出草廬

孫曾童稚並隨肩爆竹迷藏劇可憐聊慰含飴紛
繞鄰能無憶念白雲邊

莫怨經營當戶難
阿兄辛苦一閒官
庭前看取梅花蕊
容易芬芳歷歲寒

尺園卉木伴琴書
幾種凌霄青自如
蘭畹先春香已發
好教培護令扶疎

皆前小圃如芻命之尺園
辨本木木經冬不彫者二

十餘種每出
門常念之

戊戌

喜子升五姪又舉一孫

庭蕉霽色映堦堦
老屋遊嬉憶小時
又見添孫逢雅集
却看四代一龐眉

己亥

永懷五章章十六句

有序

永懷爲姪孫汝諧作也歲在己亥汝諧夫婦並六十又舉一子晚節之增懋于斯可徵敬述先德用相激勉以竊附于古詩之義云爾

永懷在昔司徒教澤有毫聞知載祀六百宗臣錫姓初見史策汝南翼沛飛鴻仙跡壁書晉著保障隨續代邇乘荒蔑詳系邇逮宋足徵宛陵詞伯源

同派殊華與文春

文春崔巍蒼蒼極天柏視其陰神秀鬱然伊惟山
日吾宗宅焉有墳有碣有廬有田溯元至宋歷多
歲年食指旣蕃村屋析遷雖則析遷根本斯堅如
海混茫祭必河先

地靈誕毓詒人輩生起家經術收歷賢聲銓衡滿
牧臺諫蓬瀛滄洲石室撰述淵宏樹樹皆花七子
齊名良書關啟海表流行項背才賢相望代興爰
及乃公尤著忠清

於維乃公孝事繼母恭兄敬嫂因心則友循良超
擢鉅鉅朝右廷尉奉常左宜右自八閭撫綏波恬
物阜中樞內陟參輶童妾蓬長烏臺初終 守亞
相清名至今山斗

惟爾家嗣親承令儀太母淑人再世徽彝克相有
人胥逮事之祇今週甲梁案齊眉既壽而康誕錫
佳兒爾行益敦勿替愉怡振振繩武庶其在茲先
澤于昭鑒佑無私

庚子

贈涇川汪扶九兼示諸同學

二首

昔遊水西寺遙睇承流峰
青蒼烟雨外卓立雲霄
中伊人此結廬時時策短筇
逖覽窮高深心與山
靈通猶不憚周諮聞聲遠相從

余家柏枧陰性亦耽山水
息影既頻年臥遊間屢
齒患然來遠朋朱絃復重理
相將析疑義實身邱
壑裏生平求友心沉疴爲君起

辛丑

喜石龍陳兆先過訪

先王父明卿先生及其世父輩伯先生
並早童時熟師也計其時爲甲申乙酉距
今七十七年矣人事幾更先父僑居秦
穀不相聞知茲偕家堯咨枉存詢其家世
始知之悲喜交并作此贈之

殘帙送榆景泊然謝塵鞅時于藥裹中推枕懷旣
往猶憶舞勺齡林原紛伏莽旄倪靡止居避寇人
拾壞先人挈童稚殷勤慎蒙養延致太邱翁義冠
蕭蕭丈雖復戈鋌聲不廢朝昏講元方復繼之指

授何高朗追隨巖谷間撫時多慨慷小子幼羸疾
因之筋力長操觚初學步亦或邀欣賞存歿更三
世廻看但惆恍驚慚旣耄年虛生負穹壤忤感交
胸次今昔增俯仰嘆息人一生能著屐幾兩惟茲
故舊誰眷眷留吾黨通門賴有入生事亭亭上會
昭良非偶攬袂心悵惘懸壺倘復歸莫惜蓬蒿枉

曾孫

錢